

Q. D. B. V.
DISSERTATIO INAVGVRALIS MEDICA,

DE
**PRINCIPALIORIBVS
LITERATORVM
AFFECTIBVS,**

QVAM
DEO T. O. DVCE ET AVSPICE,
RECTORE VNIVERSITATIS MAGNIFICO,
PRÆNOBILI ET CONSVLTISSIMO
DN. TOBIA JAC. REINHARTHO,

JCTO, SACRI PALATII CÆSAREI COMITE, JVRID. FACVLT. ASSESSORE,
AC PROFESS. COD. PVBL. ORDIN. CIVITATIS STNDICO
AC CONSVLE,

AMPLISSIMO MEDICORVM ORDINE IN HAC PER-ANTIQA
HIERANA GRATIOSE INDVLGENTE,

SVB PRÆSIDIO
DN. D. IVONIS JOANNIS STAHLII,

EMINENTISS. ET SERENISS. ELECT. MOG. CONSIL. ET ARCHIATR. ANATOM.
CHIRVRG. ET BOTAN. PROFESS. PVBL. FACVLT. MED. ASSESS. ORD.
N. N. CIVITAT. ERFORD. CONSVL.

PATRONI AC PROMOTORIS SVI COLENDISSIMI,
PRO GRADV DOCTORALI

VNA CVM ANNEXIS SVMMIS IN ARTE MEDICA HONORI-
BVS ET PRIVILEGIIS LEGITIME CAPESSENDO,

PVBLCÆ ERVDITORVM DISQVISITIONI SVBMITTIT

AVTOR ET RESPONDENS,

GEORGIVS MELCHIOR STRAHL,

Erfordiensis.

IN AVDITORIO MAJORI COLLEGII MAJORIS, HORIS CONSVETIS.
DIE I. DECEMBRIS A. R. S. M DCC XXXI.

ERFORDIÆ, Typis JOH. CHRISTOPHORI HERINGII, Acad. Typogr.



PROÆMIUM.



Vilibet utique, cui modo libuerit corporis nostri Machinam paulò attentius considerare & accuratius eximinare, haud difficulter deprehendere poterit, quàm delicatam

partium constitutarum corporis conglutinationem circumferamus, & quàm lubricam ossium in articulis unitorum structuram exhibeamus, quàm gravem humorum ac viscerum, corruptioni obnoxiorum, molem foveamus, ut propterea statuæ Nabuchodonosoris non admodum absimiles appareamus, si nempe externam corporis pulchritudinem ejusque artificiosissimam & splendidissimam structuram specta-

veris, hujusque simul admodum fragile & labile fundamentum terreumque fulcimentum consideraveris. Interim verum quidem est, quod, quamdiu legibus Naturæ conformes vivimus, nec in aliquantulâ etiam ejus parte vel defectum, vel excessum patimur, tamdiu vigore vegeto Oeconomix vitalis gaudeamus; ast, quamprimum etiam minutissimum ex sex rebus Non-naturalibus periculum sustinemus, tunc statim in possessione optimæ sanitatis turbamur, cum ex his, tanquam causis frequentissimis, etiam numerosissimos morbosos in corpore nostro effectus profluere manifestum sit, quapropter etiam non incongruè GALENVS ejusque sequaces, SENNERTVS, MOEBIVS, FERNELIVS, ARGENTERIVS, alique non pauci, *morborum fontes* hasce res Non-naturales appellant: siye enim vitæ subjectum, siye materiam ejus conservativam spectes, usque quoque verificabitur trita quidem, sed & verissima Parœmia:

Ex quibus vivimus, ex illis etiam ægotamus.

Sanè fragilitas hæc nostra admiranda est, quoniam levi solius sæpè aëris impetu vel maligno afflatu corruit, sicque sanitatis & vitæ jacturam
facil-

facillimè subimus, si modo ad exiguum velut lapidem quoad Diætam offendimus. Inter cœteros autem his casibus expositos, plures *Literatorum* deprehendimus, de quibus etiam in præsentiarum differere lubet, & quidem illis præcipuè, qui immoderato discendi studio exardescentes, non secus ac bombyces se planè exenterantes, subitò morbos gravissimos, languores & debilitates innumerabiles sibi adsciscunt, ut mirum non sit, quamplurimos eorum in præmatura funera desinere & velut flores diarios vix progerminantes marcescere, cujus causam nemini, nisi sibi solis adscribere possunt, quoniam, si certo cum moderamine laborisque discretionem Naturæ uterentur ministerio, in senectam non rarò lucis hujus haberent usuram.

Hanc igitur ob causam placuit mihi, indultu Gratiossæ Facultatis Medicæ, pro Themate Dissertationis Inauguralis, *morbos, seu affectus literatorum* præcipuos, una cum causis eorundem breviter exponere & insimul optimam, ut spero, curandi & præservandi methodum annectere, nullatenus dubitans, quin Lector be-

nevolus (qui fortè penitiùs rem inspicere potest,) mihi ignoscat, si præter opinionem quicquam vel defecerit, vel minus exactè explicatum fuerit. De reliquo eâ quâ possum humilitate, Deum Ter Optimum Maximum veneror & oro, ut conatibus meis benignè assistere & ex qualicunque hac opellâ boni communio fructum aliqualem demum largiri dignetur.

CAPVT I.

De generaliori morborum Literatis obvenientium causâ, Aëre.

§. I.

PErscrutaturus varios Literatorum affectus, nescio, in quàm immensum propè labyrinthum abduci videar, cujus, si omnes flexus, reflexus, circumflexus, & anfractus non dicam permeare, sed perlustrare tantum accuratiori mentis obtutu statuerem, non immeritò illud Poetæ mihi occineretur, quò canit:

Sol prius oppositas perfundet lumine terras!

Quis enim nescit, in GALENI scholis vel levissimè eruditus, quod, sicut millevariæ Literatorum sunt occupationes, ita & tantivariæ affectiones in animo nascantur, adeoque & Argum dixero, qui omnes prævidere se posse jactitaverit, & GALENO versatior, qui salutaribus hinc inde medicamentis obviaverit. Quoad propositum tamen, ut non tam eruditorum, quàm discipulorum

inten-

intentioni satisfaciam, id unum sufficiat, si de erroribus, vitæ sanitatisque negotio insidiantibus & periculum quandoque non leve inducentibus, Naturæ moventis & agentis ordinem interturbantibus ac confundentibus, paulò enucleatius differuero.

§. II.

Quemadmodum ergo rerum omnium, etiam optimarum abusus, nocivus & reprehendendus, ita & de studiis verum est illud: *Ne quid nimis*; vel, ut alii rectè affirmant:

Est modus in rebus, sunt certi denique fines,

Quos ultra citraque nequit consistere rectum.

Quam multa enim eaque gravissima Literatis attraxerit mala, in seram usque noctem protracta lucubratio, abundans testis est experientia, debilitantur nempe vires tam Animæ quam corporis, & quidem in tantum, ut sæpè sæpius malum omnem Medicorum curam & solertiam eludat, ipseque Literatus, qui per studia felicitatem & gloriam assequi voluit, miserrimus & infelicissimus omnium, deperditâ sanitate, quæ optimum sanè donum est, evadat, insuperque præmaturâ morte, eo tempore, quo rectè demum vivere incipit, abripiatur. Rempnblcam ergo lædit atque defraudat, quoniam nemo sibi tantum, sed & Patriæ vivit, præsertim vero ii, quos Deus egregiis Naturæ donis atque talentis instruxit. Adeoque inexcusabile sanè vitium est eorum, qui nimium in studiis excedunt atque vires suas debachantur, nec est quod culpam Naturæ adscribere velint, in Naturam injurii, utpote quæ sufficientibus donata viribus prudentem solum requirit Oeconomum,
qui

qui, perspectâ bene cognitâque talentorum quantitatē & qualitate vitam suam instituere debet, ne unquam vel in excessu, vel in defectu peccet.

§. III.

Quanquam autem respectu *aëris* vix ac ne vix quidem singularibus & specialioribus quibusdam morbis obruantur & subjiciantur literati, cum, quotquot etiam ab illo producuntur & excitantur affectus, singulis ferè aliis cujuscunque generis & conditionis hominibus simul quoque solennes atque communes sint, ob usum elementi hujus universalem & omnibus indiscretim familiarem, adeoque hujus intuitu nullum, literatis tantum proprium morbum, denominare & abinde derivare queamus, nisi forsitan *Pallorem*, iis præcipuè admodum solennem, qui nimium quantum studiis incumbunt, omne externi aëris liberioris commercium penitus ferè fugiunt, & Musea humidiora, crassiori nonnisi imò impuriori magis aëre repleta sibi seligunt, huc referre velimus, licet ille magis symptomatis, quàm palmarii & principalioris cujusdam affectus vices subeat; attamen non injustè nos facturos arbitramur, si ab omnibus illis morborum generibus, quæ aliàs suam aëri præcipuè debent originem, literatos & facilius & gravius affligi asseramus, quoniam hi ipsi, dum ferè continuò sub uno eodemque aëris gradu versantur, necessario insigniores ejus mutationes tantò ægrius perferunt & majores abinde noxas plerumque concipiunt, idque tantò certius, si diutius sub iisdem commorari coguntur, aut spontè etiam aërem noxiâ & perniciosâ qualitate

tate gaudentem sibi eligunt, vitamque ex merâ interdum negligentia sub eodem transigunt.

§. IV.

Cum autem omnes & singuli ab aëre primario dependentes *morbi* speciatim qualitates ejus, tam activas, quam passivas, nimium quantum alteratas pro fonte & fundamento suo agnoscant, paucis ad minimum jam demonstrandum erit, qualia potissimum incommoda atque pathemata Aër ita intemperatus producere queat. Nimium igitur *æstuosus* & temperati limites plus justò excedens, calorem blandum naturalem dissolvendo, humiditates laudabiles absumendo, partes omnes debilitat, exsiccat, sitim extraordinariam infert, vires infringit, digestionem impedit, & turbat, totamque massam humorum colliquando & irregulariter commovendo, variorum morborum, maximè congestiorum, oppletiorum & orgasticorum originem præbet. Nec minoris noxæ est *aër frigidior*, tam per inspirationem adveniens, quam externos corporis limites ambiens, quippe qui humores incrassat, calorem naturalem debilitat, transpirationem insensibilem turbat, sicque impuritates accumulât excrementitias atque in stagnatorios cachecticos, atque cacochymicos affectus plerumque tandem subjecta illa præcipitat, speciatim autem per nares ad cerebrum migrans, varia defluxionum catarrhalium genera excitat, fauces potentius intrans, Anginas & uvulæ tumores ac inflammationes inducit, in aures irruens earundem sibilum & tinnitum producit, incrassando nimirum humores ibidem hospitantes, in oculis lippitudinem producit;

ducit; pectus penetrans tussis siccas, valdopere molestas & pertinaces, provocat, in intestinis diarrhoeas & flatulentias; in manibus autem & pedibus varios dolores ac tumores, pro humorum ibidem transeuntium & inspissatorum varietate inducit. Justo *humidior* porro, corpora præter modum relaxando & humectando, torporem inducit, ingenii gravitatem & stupiditatem parit, vehementes oculorum defluxiones & catarrhos concitat, aliaque plura pathemata ab HIPPOCRATE *Seç. III. Aph. 16.* & GALENO *in Comment. Hippocratis Aphor. 11. Seç. III.* recensita provocat. Nimium *siccus* denique corpora densat & exsiccat & excretiones ordinarias impedit & turbat, inflammationes, Ophthalmias, articulorum dolores, Urinæ & intestinorum difficultates & hujus censûs plura teste HIPPOCRATE *l.c.* adfert.

CAPVT II.

De Morbis literatorum ex Cibo & Potu.

§. I.

Habitis circa aërem cogitationibus reflexis, *cibum* examinemus & *potum*: Verum est, quemadmodum pabulum igni, oleum lampadi omnino adjici & affundi debet, ita & cibum cum potu corpori subministrari necesse est; sed, etsi cibus & potus ad corpus alendum, solidorum structuram conservandam, fluidorum absorptionem reparandam, sanitatem in-

stau-

staurandam & ad vitam prolongandam omnino sint requisita necessaria, tamen ad corpus prægravandum, sanitatem corrumpendam & infirmitatem contrahendam, quàm plurimum eadem contribuere, quis negabit! Sicut enim ex alimentis Chyli & sanguinis desumitur materia constitutiva, ita secundum humorum indolem, Crasis similiter eorundem dimetienda venit. Hinc ponamus ventriculum esse omnino nauseabundum, quid tali casu putares deliciarum afferre Sybariticas mensas, dapesque lautissimas? quis in his positus circumstantiis non præoptaret rerum omnium premi indigentiam optimamque corporis diathesin possidere, quam Arabicorum affluentiam Thesaurorum locupletari & variis è contrario divexari languoribus? Verè me herculè Poëta Venusinus cecinit:

Si ventri benè, si lateri, pedibusque tuis, nil

Divitiæ poterunt regales addere majus!

Hac in parte Archi-Magirum agere tam impossibile videtur, quam arduum & difficilè omnes sub eodem appetitu, eodem gustu, eodem abundantiae luxu velle constituere, quis hujus loci cibos aut potus salubres vel nocivos definiat? probet autem se ipsum, qui sanitatem magno numerat in pretio; hoc in confesso est, cibum simplicissimum & temperatissimum conservandæ & promovendæ sanitati esse utilissimum, sicut è contrà cibum nimis variatum & delicatissimum morbiferarum qualitatum esse feracissimum. Benè admodum dixit CELSVS lib. 2. Cap. 18. ut & HIPPOCRATES Aphor. 9. Sect. 1. *optime non tantum valetudinis, sed & omnium morborum communia esse præsidia, cibum &*

potum. A quibus non abludit HORATIVVS *lib. 2.*
Satyr.

- - - - - Variæ res

Ut noceant homini credas, memor illius escæ,
 Quæ simplex olim tibi sederit, ac simul astris
 Miscueris elixa simul Conchylia turdis,
 Dulcia se in bilem vertent, stomachoque tumultum
 lenta feret pituita.

Ejusdem sententiæ fertur PLATO *lib. 3. de Repub.* dicens, *ex ciborum varietate varios nasci morbos*; cui accedit PLINIVS *lib. 2. Cap. 5. homini cibus utilissimus simplex, acerbatio saporum pestifera. Et condimenta perniciosæ.* Victus fuero, nisi hujus rei tabulas & testes produxero; hinc retrogrediatur mecum aliquis, si quid habet, ad Majorum nostrorum longævitatē, multorum centenorum annorum decursu gloriosam; sed unde hanc, nisi à simplici victu defluxisse crediderim? Ad antiquissimos hic provoco Medicos, in eo exactissime mihi consentientes. Sed ne in longinquum discurremus, agrestes illos simplicesque rusticos compellemus, unde suæ derivent sanitatis & grandævitatē feriem? & non nisi à simplicitate cibi idem sibi à Deo indulgeri confitebuntur.

§. II.

Quoniam itaque patet & in confesso est, ex his multos oriri morbos, de quibus omnibus tamen differere nimis longum esset; hinc principales saltem afferre lubet, suntque *Eupepsia, Dyspepsia, Febres quartanæ, tertianæ*, ex quibus saltem ad ultimam hanc speciem paulo fusius explanandam, cum hæc febris perquam

quam frequens esse deprehendatur, progredior. *Febris tertiana* autem est *species febrium intermittentium*, post *tertiam diem cum horrore* & *succedente aestu* *recurrens*, quibus *motibus febrilibus principium vitale noxiam aliquam materiam, in primis viis ut plurimum hærentem, præparare* & *evacuare intendit*. Ante omnia vero benè discerenda est *febris tertiana legitima à spuria, seu subcontinua*, quæ ut plurimum frigus lenius, æstum vero vehementiorem & diuturniorem, nec non insimul symptomata alia quædam insolita, adfert, post paroxysmos etiam languorem, lassitudinem artuum, capitis gravitatem vertiginosam, siticulositatem, somni inquietudinem, inappetentiam, graviora & jugiter perseverantia post se relinquit. Porro distinguenda etiam est à *Febribus illis acutis præcipuè*, quæ typum tertianarium simulant, quando in tempus vernum & in corpus circa primas vias impurum incidunt: hæ enim notabilem continuitatis habent malignitatem & non rarò petechiales maculas, purpuram & alia exanthemata inducunt.

§. III.

Breviter ergo explicatâ differentiâ devolvimur ad *signa pathognomonica*, quibus affectus noster dignoscitur, quæ antea sunt evolvenda & recensenda, quam ad subjecta, causas, prognosin ipsamque curam progrediamur. Hinc optimè CELSUS. *Prefat. lib. 1. pag. 13.* monet: *Cujus rei non est certa cognitio, ejus opinio certum reperire remedium non potest*; Varia autem ac varii generis prostant signa, quibus hæc febris dignoscitur; invadit enim singulis paroxysmis subjecta ante meri-

dianis horis, nonâ circiter hora circa tempus jentaculi & quidem iis, qui jentare consueverunt; qui autem huic adfueti non sunt, ab horâ decimâ, ad duodecimam usque ordinariè in paroxysmo corripuntur. Præluit hic paroxysmus tensionibus artuum, ad oscillationem, pandiculationem, gravitatem crurum & brachiorum tendentibus; proximè vero paroxysmum præcedit totius corporis extenuatio, ut subito quasi tabidi appareant, de qua Germani dicunt: *Er sehe übel aus, gang frändlich, verfallen, es sey ihm gewiß nicht wohl, man sehe es ihm an &c.* Incipit demum horridulo sensu in lumbis, qui magis magisque per dorsum, versus scrobiculum cordis, ascendit, & in reliquum corpus se diffundit, ubi insuper quoque stricturas circa hypochondria percipiunt. Sub hoc frigore autem sequentes circumstantiæ potissimum observantur: Gracilescit vultus & manuum digiti; refrigescunt simul primo nares, aures & digitorum apices, in quibus imprimis sese offert unguium talis ab extremitatibus pallor & in radicibus livor, quasi in extremitatibus compressi essent; succedit demum præcordiorum anxia & nauseabunda angustia, quæ sub exitum frigoris horridi mox in actua-
lem vomitum transit, per quem modo tenax, modo mucosa materia, modo biliosa saburra, modo cibi adhuc indigesti rejiciuntur; in quibusdam fortes tantum vomendi conatus obtingunt, sine notabili excretionem, vel loco vomitus diarrhœa sequitur & quidem communiter in ætate magis provectiore & corpore magis phlegmatico; hæc symptomata, quando per unam alteramve horam duraverunt, frigori remittenti succedit
im-

immediatè flaccida fatigatio & languor corporis universalis, præcipuè verò artuum, cum molesto sensu contusionis, als wenn an ihnen alles zerschlagen wäre; illi, in quibus diutius durat nausea, hoc incommodum non sentiunt, propter reliquam internam anxietatem, tandem fit inde transitus ad æstum, cum dolore capitis æstuante, tensorio, pulsatili, adest quoque inquietudo permagna, perpetua loci & situs mutatio, pulsus, qui sub frigore tardus, rarus, oppressus atque parvus erat, fit celer, frequens, plenus atque magnus, comparentque iterum simul vasa non solum sanguifera, sed & exturgescunt sensim atque distenduntur; hæc comitantur sitis & siccitas, quibusdam oris amarities, aliis cardialgiæ occurrunt. Mitescente autem æstûs impetumador quidam, seu lenis sudor, non tam affatim & copiosè æque diffluens, quàm leniter manans, communiter tamen utique non nude halituosus, sed omni modo fluidus, erumpere observatur, non quidem prioribus, benè tamen sequentibus paroxysmis. Totus paroxysmus vix intra sex horas decurrit, familiarius ad octo durat; repetuntur verò hæc omnia alternis diebus, ita ut ad minimum intervallum 24. horarum intercedere soleat, communiter statò tempore & horâ, nonnunquam verò anticipiando, aut postponendo recurrunt.

§. IV.

Traditis nunc signis ad historiam febris hujus spectantibus, ordinis & instituti ratio postulat, ut ad enumerationem *subjectorum* & *causarum* progrediar & genuinam illarum originem secundum fundamenta pathologica nunc eruere annitar; Occupat autem magis juve-

juvenilem & virilem ætatem, masculini præcipuè sexûs, & quidem tempore verno; hinc jam ad febris tertianæ causalem explicationem medico usui accommodatam progredior. Contribuunt ergo huc diætæ irregularitates, non quidem longo temporis spatio commissæ, sed quasi uno errore peractæ, quando videlicet ingesta fuerunt alimenta spissa, viscida, lenta, mucida, aut semi-concocta, ut plurimum in primis viis hærentia, & quæ difficulter concoqui possunt, atque ad mucum tenacem generandum idonea existunt, uti sunt fumo indurata, pisces crassiores & crudiores, caro dura suilla, ostreæ, cochleæ &c. sic & ad hujus febris causas occasionales provocandas quadrat etiam iracundia commissæ & suppressæ, aut quando commotiones animi vehementes ante, sub, vel post pastum accedunt, ut propterea ex hâc causâ orta tertiana de *biliosâ indole* participet: demum pro tali causa etiam vitæ genus sedentarium, otiosum ac refrigeratio in regione abdominis, præcipue circâ tempus, quo cibus absumptus est, agnoscitur, quoniam hâc ratione concoctio impeditur. Interim reliquas ordinarias hujus febris causas hic loci minimè excludo, quoniam illæ ad nauseam ferè cognitæ sunt, hinc lubens nunc specialiori harum recensione supersedeo.

§. V.

Perspectis causis aliisque circumstantiis jam de *Prognosi* ipsâ aliqua dicenda restant. Si nempe medicationes incongruæ non admittantur, febris tertiana legitima toto genere salutaris est, imo post hujus febris legitimum decursum patientes non solum priorem, sed & firmiorem recuperare sanitatem, per experientiam
satis

fatis jam liquet; ubi vero per medicamenta calida sudor, præcipuè sub æstu vehemente, immodestè concitatus ac notabiliter exacerbatus observatur, patientes sensibilissimè debilitantur, & continuas rabidas sudationes, imò febres acutas viscerum inflammatorias incurrere solent, & hoc tantò certius, quò magis temperamentum sanguineum vel cholericum, ætas junior & diæta vinosa concurrunt: nihil enim legitimum hujus febris decursum tam sensibiliter turbare potest, quam insignis plethora, quæ, si concurrit, omnia symptomata exasperat, præcipuè æstum infert graviolem & sudoris spontanei eruptionem multum impedit. Quando autem per adstringentia præmaturè supprimitur, tunc non modo certius & citius suspectas & periculosas recidivas subit, sed & pertinaces alvi obstructiones, vel denique Cachexiam, vel Scorbutum, vel Hæticam, vel Hydropem, similesque contumaces morbidas consecutiones post se relinquit, id quod sæpissimè etiam accidit, si nimis diu tolerata & habitualis jam jam reddita fuerit, quippe quæ tandem, nisi convenienter removeatur, in similes funestos affectus desinit.

§. VI.

Declaratis nunc & commendatis omnibus pathologicis hujus febris explicationibus, in quantum illud pro virium imbecillitate licuit, ultimum adhuc superest, ut nimirum ad *Therapeuticam*, seu *practicam commendationem* accedamus eamque pari industriâ adhuc exponamus. Sunt autem remedia ferè innumera & tam diversa, ut dubitare non immerito quis possit, quibus

C

præ-

præcipuè in tali statu sit utendum; alia enim, si saporem advertas, acria, amara, plus minus nauseosa, alia vero insipida, aut non adeo ingrata, aut magis etiam jucunda & dulcia existunt, ita, ut pro subjectorum & circumstantiarum varietate, convenienti selectu inter illas opus sit, insimul quoque non alia, quam quæ ad obtinendas & exequendas necessarias indicationes faciunt, præ reliquis eligantur.

§. VII.

Optima igitur tertianam tractandi methodus est, ut præmittatur præparatio materiæ in ventriculo hærentis, quæ insimul quoque ab ipsâ Naturâ intenditur & adjuvatur; hinc unâ alterâve horâ ante paroxysmum digestiva dentur, inter quæ Tartarus vitriolatus, Cremor. Φ i, Arcanum duplicatum, Gum. $\frac{t}{i}$ iatum, cum absorbentibus maritata, egregium exserunt effectum, & omnibus aliis artificiis, modo moderatis, proportionatis dosibus dentur, præferenda sunt; dein ad materiæ febrilis præparationem diætetica nihil magis confert, quam sub paroxysmo usus potulentorum tepidorum, aut calidorum sufficiens, quò Infusa domestica thœeformia referuntur: frigidus enim potus magis præsentis inspissat visciditates. Conferunt etiam, tanquam salutare adminiculum, juscula liquidiora, non tamen mucilaginosâ, ubi vero æstus & sitis vehementius urgent, pro sanguineis potus sit leviter acidulatus, pro chole-ricis autem & melancholicis nitro temperatus, & hæc diluentia, præcipuè extra & ante paroxysmum adhibita, egregiam promittunt utilitatem.

§. VIII.

§. VIII.

Quod evacuationem *diaphoreticam* attinet, singulari attentione ea quoque observanda est: mitescente enim æstu, vel solo regimine, vel medicamentis etiam, prudenter & moderatè adhibitis, eo dirigenda est Natura, ut per sudorem proportionatum, qui nempe magnitudini æstus prægressi respondeat, exitum inveniat; & hic quidem per moderatam dosin Ess. Alexiph. Stahl. ad gtt. xxx. promovetur, subjuncto placido regimine, quoniam sine hoc magis noxia certissimè incommoda, quam commoda subsequuntur; sit tamen regimen non tam nimis calidum, quam potius quietum, cavendo etiam, ne mox inde patiens surgat & liberè circumbeat, nedum frigore abutatur. Die intermedio hæc Essentia & pulveres digestivo-absorbentes continentur, hoc tamen discrimine, si major fuerit exæstuatio febrilis, crebrius, sed refractâ magis dosi, propinanda est Ess. Alexiph. ne motus in febrem lentam & hecticam degenerent; si vero æstus minor sit, digestiva crebrius quam alexipharmaca sunt exhibenda. Eodem etiam die vacuo, nisi febris languescere & in longum tempus durare soleat, commodè & fructuosè promovenda erit repurgatio tum ventriculi, tum connexarum primarum viarum: quo casu Pilulæ Becherianæ vel Stahlianæ, cum Extracto Panchymag. Croll. pro re natâ conjunctæ, laudantur, optimè etiam Pulv. laxat. veget. Wed. vel \ominus Angl. conducunt. Item, pro subjectis nauseosis decoctum aliquod, ex solventibus & laxantibus remediis paratum, convenit, in quem finem conducunt Radic. Ta-

raxac. Scorzon. Cichor. Bardan. Helen. Hb. C. B. Scord. Absynth. Fumar. Capill. & is Centaur. min. Radic. Helleb. nigr. Rhabarb. Fol. Sennæ & similia. Præstant etiam usum quam optimum stomachico - carminativa, eodem die vacuo versus pastum propinanda, ad tonum primarum viarum restaurandum, e. g. Eff. Gentian. rubr. Absynth. comp. TRa & tis aperitiv. Ludov. item Eff. Galang. Cortic. Citri Orantior. &c. Quod si autem post usum horum omnium remediorum atque peractam sufficientem materiæ evacuationem ac repurgationem, motus isti febriles nihilominus pertinaciter perseverent, tunc licet ad secura febrifuga properare, ubi præ aliis laudantur Crocus & tis & iat. Stahl. ad gr. vj. vel viij. miscendus cum Fi Olati gr. xv. vel. x. Fi Olati amari. Oi & ati ana Ji. Cortic. Chinæ Chin. gr. xv. Radic. Gentian. rubr. pulverisat. gr. ʒß. M. div. in 2. p. æ. S. Fieber-Pulver, davon eins 4. Stunden, das andere 2. Stunden vor dem Paroxysmo zu nehmen. Reliqua, quia jam jam sufficienter cognita sunt, lubens nunc omitto & unicum saltem hoc pro ingenii modulo commendando, ut post illorum usum & febris cessationem Alexipharmaca, digestiva atque stomachica continuentur, tandemque laxatio moderata adhuc semel vel bis repetatur.

CAPVT III.

De Morbis Literatorum ex Motu & Quiete.

§. I.

EQuidem supremus rerum omnium moderator, Deus, Naturam debitis viribus exactè instruxit, ita
tamen

ut sine reliquorum mediorum adminiculo in statu naturali (maximè quod sanitatem concernit,) minimè possit corpus saluum & sanum conservare: Quis ergo negabit corporis motionem itidem necessariò requiri, ut Natura secernenda secernat, & colligenda colligat, cum ex eorum regulari aut irregulari successu, vel ingens corpori emolumentum, vel damnum enasci sit necesse: nulla enim hora est, quâ sordes & excrementitiæ partes in nobis non generantur, posito autem, quod hæc per loca ordinaria nec se nec excernantur, numquid in immensum cumularentur, ita, ut corpus mole suâ opprimeretur. Motus ergo omnino, tanquam necessaria nostra cooperatio, requiritur, quo fiat, ut nimia sanguinis quantitas distrahatur, organa in perpetuâ flexilitate conserventur, prompta ac facilis humorum per eadem transmissio & distributio procuretur & per consequens sordibus sanguini innatantibus, partibusque porosissimis inhærentibus, per continuam attenuationem abstergendis, via opportuna monstratur; quæ ipsissima via & sanitatem conservare vitamque instaurare potis est, prout bene concordat Brocardicum illud:

Robustus fossor rege est felicior agro.

Sicut & illud GALENVS de tuendâ sanitate lib. 2. his verbis testatur: *Sanitatis tutela à labore est auspicanda; nec abinde Venerandus noster abludit HIPPOCRATES lib. 1. de Victûs ratione Sect. 4. ita scribens: Qui comedit, nisi etiam utatur laboribus, sive motu, sanus esse non potest.* Hâc ratione vel maximè Literatis consulerim varias corporis diversiones, ambulationes, equitationes, unctiones, & si quæ alia corporalia exercitia, non immodica aut

violenta, excogitari possunt; hinc enim fiet, ut habito motu alacriori, humores per assiduam quietem lente-
scentes ad secretionem leniter disponantur, attenuen-
tur, fluidificentur, excretoriè depurentur, imò ut, do-
cente PLINIO lib. 1. Epist. 2. *animus ipse motu & agitatio-
ne nervearum, ac fibrosarum Corporis partium excitetur, ad
ardua facilius & felicius peragenda.* E contrario expe-
rientia rerum omnium Magistra luculenter docet, con-
tinuam Corporis quietem plurimarum parentem esse
ægritudinum: quid enim tali ratione deficiente motu
aliud oboriri potest, nisi toni & roboris partium solida-
rum defectus, humorum lentor & spissitudo, se- & ex-
cretionum plenaria suppressio, ac demum, ex omnige-
nis heterogeneis remanentibus partibus, insignis humo-
rum Dyscrasia; at, nequaquam omnia hæc mala conse-
ctaria inde oriri, quis est qui negabit? unde enim sangui-
nis spissitudo? unde intolerabiles flatulentiae cruciatus
originem deducunt, nisi ex vitâ plane sedentariâ? &
quid de *Mala hypochondriaco* dicam? quinam â viliori-
bus hominibus, diversissimos labores subeuntibus, illo
magis, quàm literati, quieti dediti, molestantur? sed de
hoc ulterius in sequentibus.

§. II.

Cum nominis disquisitio sit principium doctrinæ,
ipsius examinationem, prius quam ad alia accedam,
necessitas simul ac utilitas postulare videtur. *Mali hy-
pochondriaci* itaque nomen nonnullis derivatur â vocā-
bulo græco ὑπαχόνδειον, quo nomine illa indigitatur pars
corporis, quæ sub costis spuris in latere utroque ab-
dominis superiori, sub scrobiculo cordis, occurrit, eam-
que

que maxime ob causam ita denominata fuit, quia τῷ
 χόνδρῳ, id est cartilaginibus notharum costarum, subjacet.
 Vi compositionis, quatenus ex ὑπὸ sub, & χόνδρος, carti-
 lago, conflatur, notat illum sub costis, in parte anticâ,
 locum molliorem, qui cuilibet ad sensum patet; hinc
 Germani sub nomine, das Spannen und Drucken un-
 ter denen kurzen Rippen, item, latius sumto vocabulo,
 die Milk-Beschwehrung appellant.

§. III.

Explicatis nunciis, quæ circa Onomatologiam no-
 tanda erant, statim quoque generalem mali hypochon-
 driaci definitionem suppeditare lubet: Est ergo *complexus*
moliminum spasticorum circa V. P. & viscera huic annexa,
ad imminutionem sanguinis abundantis, & resolutionem spis-
sioris collineantium, sub quo motuum concursu tam positivæ
actiones, nimirum spasticæ tractiones, pressiones, congestio-
nes, quam passiones oppletoriæ, inflatoriæ, distensoriæ, resta-
gnatoriæ, observantur.

§. IV.

Incommoda ipsa, quæ sentiunt immediatè sub co-
 stis, deorsum nempe, tam sub scrobiculo cordis, quam
 in sinistro latere, aut utroque hoc loco conjunctim, aut
 inter utrumque occurrunt, ubi propterea, sedem &
 fundum querelarum suarum patientes non tam digi-
 to, quam totâ manu monstrant ac ostendunt. Per-
 sentiscunt vero præcipuè angustias quasdam plus mi-
 nus sensibiles, aliquando jejuno ventriculo, præsertim in
 edacioribus, aliquando unâ altervâve præterlapsâ horâ
 post pastum, aliquando sub pastu, ut quoque sub appe-
 titu vago repentinam aliquam satietatem capiant; sub
 qui-

quibus tamen omnibus appetitus non deficit & satis bonus, imo avidus est, interdum vagus & ad varii generis edulia directus manet, ubi inprimis frigida magis quam calida desiderant, cibos siccos potumque paucum amant. Hypochondriacos denique ante vel post pastum vexat multa sputatio ad vomitum usque; item sub & post pastum anxiiis ructibus expositi sunt, multo frequentius autem flatibus strictè dictis anguntur. Antequam autem ructus erumpunt, communiter præcordia molestantur angustia, tensione, pressione, murmuratione, ut respirationem liberam impedian, aut ferè supprimant; factâ autem eruptione sensibilibus se habent. Inter symptomata essentialia etiam connumerari meretur palpitatio cordis in nonnullis gradu excedens, ac hinc inde varians, ut hoc incommodum quandoque, cum reliquis urgentibus symptomatibus simul concurrat. In abdomine etiam sæpè palpitatoriæ pulsationes, aliquando secundum dorsi longitudinem, aliquando in regione epigastricâ, inprimis si quædam inflationes, aut compressiones atque stricturæ, in abdomine exacerbatione quâdam urgent, sentiuntur. Stomachus ructus nidorosos & austeros, nonnunquam etiam dulces propellit. Inprimis huic affectui familiarissimum symptoma alvi obstructio est, cujus tanta sæpe est siccitas & pertinacia, ut (nisi clysteres emollientes applicentur,) purgantia nil nisi anxias ac torminosas creent flatulentias. Inter hæc symptomata hypochondriacorum quoque non omittendus est somnus, qui ipsis non deficit, ast evigilantes, angustias flatulentas & palpitationes cordis faciliè percipiunt, deficiente autem

&

& turbato somno communiter statim sese malè habent. Est insuper hisce ægris valdè familiaris ac perquam molestus quidam dolor capitis tensivus & premeus, circa processus mastoideos, simulque contusorius, gravativus & vertiginosus, rarius pungens & lancinans; pulsus modo rarus, tardus, modo frequens & fortior, modo valdè debilis est. Urina modo limpida, ob majorem in illâ regione stricturam, modo copiosa, tenuis, adinstar aquæ fontanæ, modo rubicundior & parciore redditur.

§. V.

Morbo exacerbato hæc modo recensita non solum fiunt graviora, sed & plura alia pejora accedunt: Memoria debilitatur, animus pariter ac corpus perturbatur, ut patientes quandoque tristissimâ desperatione sibi ex levissimâ, non datâ, sed arreptâ occasione, dubia, suspensiones, timores, anxietates contrahant, unde, ob inquietum anxiumque animum, somnus variis phantasiis turbatur, ipsique ab omni societate, gaudio, spe, & solatio abhorrent, imò nonnunquam ipsa Melancholia hypochondriaca accedit, membra, ac si fustibus essent conquassata, dolent enervanturque, ut ferè omnes vires, omneque robur & activitas prostrata appareant. Qualia viscera in hocce affectu laborent, ex dictis facilè colligetur, sunt nempe inprimis Vena portæ, quæ propterea porta malorum non ineptè vocatur, unacum partibus connexis, ventriculo, toto intestinorum tractu, Mesenterio, Hepate, Liene & diaphragmate, quæ viscera singula certo respectu quoque per

D

per

per consensum simul molestantur, uti sunt pectus, caput & interdum etiam aliæ corporis extremitates.

§. VI.

Subiecta itaque ad morbum nostrum disposita deprehendimus, quod inprimis vitæ sedentariæ addicti Literati sint; dein etiam Melancholici ad hoc malum proximè prædispositi atque apti existunt, sanguinei vero temperamenti homines, ex directâ suâ indole non adeò æque huic affectui expositi sunt, nisi ubi ascititiis minus convenientibus vivendi institutis occasiones propiores suppeditant. Corripit insuper etiam illos, qui appetitui largiter indulgent, ficciores dapes eligunt & parum bibere solent, nec non afficit juvenes plethoricos, narium hæmorrhagiis antehac obnoxios, aut nunc per ætatem in hæmorrhoidalia molimina propendentes.

§. VII.

Ad *causarum* mali hypochondriaci evolutionem devenientes, varias atque diversas illas in genere esse, mox deprehendimus: *Proxima* nempe & *materialis* causa sine omni dubio est Plethora cum spissitudine conjuncta, ac impeditus sanguinis progressus, qui V. P. & connexis visceribus inprimis metum imminentis stagnationis aut staseos incutit. Ne vero tale malum ita facilè admittatur, præmaturè salutarî Naturæ conamine spasmi circa has regiones excitantur, ut ita sanguis transprimatur, siquidem justus ille horum spasmorum scopus est, quo sanguis turgidior & spissior per has partes promoveatur, aut etiam è congruis locis removeatur. *Causæ occasionales* perquam multæ obser-

servantur, præsertim autem evacuationes sanguinis suppressæ, in specie hæmorrhoidum. Eadem vivendi ratio etiam in culpa est, cur Literati, chartisve impalescentes, lucubrationibus profundisque meditationibus tam corporis quam animi vires profundentes, hunc in morbum celeri gradu ruant, præcipuè si diætâ plenâ, potu simul vel paucò, vel crassiori, fruuntur & curvo inflexoque corpore libris incumbant, hoc enim modo, ut cætera pravæ concoctionis vitia reticeam, inflectens sese lateri sinistro intestinum Colon, abdominis compressione coarctatur, & difficilem hypochondriacis alvinam excretionem haud rarò provocat. Proinde taxanda quoque eorum est consuetudo, qui neque mensæ gaudiis sua temperant studia, sed ipsas cum cibis literas devorare videntur, sic enim & præparatio & concoctio ciborum hebescit. Hic etiam consuetudines & hæreditariæ dispositiones pariter referendæ erunt, nec non flatulenta intestinorum atonia, speciatim vero animi pathemata, e. g. ira, terror, concupiscentia, &c. Tandem quoque peculiaris structura V. P. omni jure ad numerum harum causarum referenda est, quippe quæ, præ omnibus aliis in corpore humano partibus, hujus intuitu aptissima est, ad hoc malum inducendum & fovendum.

§. VIII.

Ad curam hujus affectus antequam propius accedamus, de *Prognosi* illius breviter agemus. Succedunt ergo facile huic malo diutius persistenti febres intermittentes, quæ circumspectâ quam maximè medendi methodo indigent; quod si enim corpora diu-

tius affligerit hoc malum, & ab obstructionibus viscerum difficulter expediendis, in scirrhus ac indurationes Hepatis, Lienis, Mesenterii, Pancreatis aliarumque partium, transierit, deploratae spei morbos, inprimis consummatam Cachexiam, Hydropem, Melancholiam specularundam, timidam & desperabundam, Icterus, totius corporis consumptionem ac hecticam tandem febrim inducit, lentâque sic morte vitæ molestias finit; interdum verò ægrotantem opinione celerius è medio tollit. Sociatum aliis morbis hypochondriacum malum, eosdem & graviores & diuturniores efficit, & difficultatibus plurimis stipatum Medicorum consilia & auxilia prorsus eludit.

§. IX.

Absolutis ita & explicatis omnibus illis circumstantiis, quæ pro formandâ affectus hujus theoria perfecta requirebantur, nunc denique ad *practicam* ejusdem *tractationem* devolvor. *Præservatorio* scopo, remittente impetu sanguinis, venæ sectio convenit, sed non alia, quam in pede administranda & circa æquinoctia, lunâ quidem decrescente repetenda; proinde non modo satis capacem incisionem facere, sed etiam sufficientem sanguinis quantitatem emittere, ut spissior sanguis brevi tempore largiter effluere possit, conducit. Quando specialior in quibusdam subjectis proclivitas ad hæmorrhoides, aut conatus hæmorrhoidalis, aut suppressio & turbatio harum concurrit, tunc repetitis vicibus, præter præmissam venæ sectionem, hirudines ad hæmorrhoidalia loca applicatæ multo cum effectu conducunt; inde enim eveniet,

niet, ut afflictæ V. P. tractus citius & facilius à sanguine molesto & superfluo liberetur: nunquam tamen ejusmodi sanguinis evacuationem pathematibus hypochondriacis in excessu circumvagantibus, alvo firmiter obstructâ, & quando primas vias valdè crassæ & copiosæ impuritates occupant, suscipere convenit. Quoniam vero insuper in præsentī hoc malo eximia sanguinis spissitudo concurrit, hinc Medicus per convenientem potissimum diætā, nempe per duo illa adminicula satis efficacia, motum & potum, eandem quoque corrigere laboret, imprimis quidem conducunt potus sufficiens, dilutus, juscūla liquidiora, Decocta & Infusa calida, præcipuè decoctum herbæ Theæ non valde saturatum, cum Cortice Citri & Cinna-
mom. mixtum. Præter hæc etiam conferendus est sufficiens motus corporis, præprimis autem conducit qualiscunque moderata succussatoria commotio, modesta equitatio, quæ palmaria hypochondriacorum medicina est, quorsum etiam peregrinatio & vectura pertinent. Insuper conferri quoque merentur Medicamenta sanguinis attenuationem adjuvantia, e. g. ℞. Radic. Caryoph. Bard. Vincetox. Cichor. ana ʒiij. Hb. Veronic. Mij. Marrub. alb. Meliss. Cuscut. ana mj. flor. Salv. Cheiri. ana p. ij. Sem. Fœnic. ʒiβ. Cortic. Citr. ʒβ. Cinamom. ʒij. Lign. Sassa. ʒiij. M. conc. & cont. F. Species pro Infuso theeformi. Non minus etiam Adiantum album murarium, sub decocto modestè assumptum, in hoc affectu convenit. Nonnulli pro eodem scopo acidulas temperatas laudant, quæ propterea ab ipsis *solarium hypochon-*

driacorum vocantur, sed circumspectè & temperanter usurpandæ sunt. Proinde superioribus commodissimè interponi potest usus temperantium & incidentium salinorum, ex Oo xiato , Arcano dupl. Pro Fisa to paratorum &c. tandem quoque utiliter strialium Oiumque volatilium moderatissimus usus subjungi potest. Inter consueta symptomata occurrit quoque alvi segnities & adstrictio, quæ propterea cum internis & externis lenientibus & modestè abstergentibus corrigi debet, ubi præcipuus est usus & insignis efficacia Clysterum emollientium atque spasticos rigores delinientium: cujusmodi sunt pinguedines & olea Amygdalarum dulcium, Olivarum vitanda vero sunt talia, quæ aliquam flatulentiam causantur, unde rectius simplicia alvum lubricantia, prunata, passulata, & Rhabarbarina, cum speciebus resolventibus maritata & in forma Infusi usurpata, conveniunt: Sic etiam pro hoc scopo eximiam habent utilitatem Pilulæ Stahl. atque genuinæ Becher. correctæ. Quodsi verò reſeratis obſtructionibus & excuſſis, quæ longo tempore contractæ fuerant, moleſtiis, ſpes affuſerit de plenariâ curatione obtinendâ, tunc proxima Medici cura eſſe debet, ut ad partes roborandas congrua quædam medicamenta ordinet. Conveniunt itaque partim moderata aromatica è Cortic. Citri, Aurantior. & Cinnamomi, partim mitiora strialia , legitimo tamen tempore adhibenda e. g. $\text{Croc. stis xiatus aperitiv. Stahl. cum absorbent.}$ & $\text{Oibus digestivis combinatus}$, item $\text{TRa stis aperitiva Ludov.}$, $\text{TRa stis cum succo pomorum}$ &c. aſt talia remedia non nimis frequenter, sed

sed per intervalla exhibere, potumque sufficientem conjungere & simul prospicere convenit, ne alvus occludatur, alias enim incassum omnia adhibentur.

CAPVT IV.

De Morbis Literatorum ex Somno & Vigiliis.

§. I.

QUantum diurnæ & nocturnæ lucubrationes tam in-quàm externos sensus profligant, vires depascunt, & totam quasi Corporis Machinam corrumpunt, tantum profecto *somnus* dulcissimos sensus omnes demulcet, vires refocillat, defatigatumque Corpus recreat, ut meritò *laborum omnium perfugium* nuncupari mereatur; sed & ideò eandem quietis cum operatione vicissitudinem literatis omninò necessariam credas, quia robur quasi novum virium inde enascitur, ad labores ordinarios ritè sustinendos necessarium; Sicut ex adverso, quò parcius somno indulseris, eò magis te debilitari gravissimorumque morborum feriem suppeditari senties, prout non inconcinne canit Poëta:

Et dormire bonum, & vigilare, sed utraque, quamvis

Optima, si fuerint immoderata nocent.

Attenuant juvenum vigilatæ Corpora noctes,

Languidus appares, quando quiete cares.

Sed, quid cheu! in homine non facit emergendi cupiditas

ditas honoresque adipiscendi, stimulus? Quid mirum? si hoc in pacto in corporis structurâ variæ turbationes concitantur? vires supprimantur, & lentâ quasi tabe corpus exedatur? Et quis febres omnes recenseat, quibus via latissima hoc modo panditur? id unum dicere sufficiat, quod brevissima literatis admodum frequens *Ephmera*, sive diaria, facillimè tali ratione contrahatur. *Ephmera* autem ab *ἐπι* supra & *ἡμέρα* dies, derivata, sic vocatur, quoniam pauculis duntaxat horis, aut uno tantum die durat, nec facilè redit, nisi per accidens, ubi ex *Ephmera simplici* quandoque *Ephmera plurium dierum*, nempe in quartum usquè diem sine interruptione durans, exsurgere consuevit. Est autem illa *species febrium continentium sanguinearum, quâ Natura sanguinis abundantiam nimiam imminuere* & motibus se- & excretoriis, ultra modum auctis, in serum resolvere intendit. Hinc benigna hæc *Ephmera* non eadem est cum illâ malignâ, quæ *sudor Anglicanus* audit, & speciem pestis cuiusdam, intra 24. horarum spatium homines ad mortem trahentis, communiter exhibet.

§. II.

Ordo autem nunc jubet, ut propius ad rem ipsam me accingam illaque hac vice, quantum possibile, brevibus enarrem, quæ sæpius hoc de morbo experta sunt: Invadit hæc febris ordinariè ægros sine repentino horrore vel frigore, sed majore solum sanguinis commotione per pulsûs augmentum præcipuè se se manifestante, unde statim de insigni æstu totius corporis, dolore capitis tensivo, inflatorio, punctorio, pulsatili conqueruntur: Si ab exercitio nimio & lassitudine dependet,

det, tunc cutis est siccior, pulsus exiguus; Si â vigiliis, more literatorum, orta sit, tunc decolorationem faciei, tumorem palpebrarum, earumque motum difficilem, cum caloris naturalis inæquali alteratione, pulsu exiguo & duriore obtulit; coincidit etiam virium & appetitus dejectio, & si subjecta sunt insigniter plethorica, adest insignis artuum lassitudo, cum doloribus lancinantibus intercurrentibus, urina interdum parum â naturali statu recedit, interdum aliquo modo tincta est, cum rubore saturato, aurantiorum æmulo, roseum deponens sedimentum & quidem in primo statim die, vigiliæ ferè sunt continuæ, & si somnus ingruit, est maximè inquietus: accidit quoque moderata quædam siticulositas, & in subjectis voracibus, aut in quibus modo præcessit ciborum assumptio, tempestivus vomitus suboritur, quem Natura salutari consilio, ad materiam crudam eliminandam, suscepit; denique communiter febris talis in sudorem moderatum excurrit, aut in quibusdam subjectis, sub majori incremento doloris capitis, narium hæmorrhagia supervenit & ita postea sub levi languore febris cessat & desinit.

§. III.

His ita prælibatis, ad *causas* hujus febris me con-fero, ut *Herophili* monitum observem, qui dicit, oportere Medicum, quæ, qualis & quanta sit causa morbi, prius cognoscere, quam de remedio cogitet. Causa autem materialis hujus febris est Plethora, & quidem per exæstuationes corporis importuniores, nec non inebriationes, aut copiosiores vinosorum & spirituosorum ingurgitationes, æstus solis & ignis, incandescen-

tiam animi, vigilias nimias, orgasticè commota, quæ propterea causarum mediatarum vices sustinent, quemadmodum etiam ii, qui potum frigidum corpore æstuante assumerunt, vel qui corpus sudore madidum aëri frigido liberius exposuerunt, vel quacunque aliâ ratione necessarias se- & excretiones nimium turbârunt, facillimè in similes incidunt febres.

§. IV.

Quod *Prognosis* attinet, hujus intuitu febris hæc, si modo non incongruis medicationibus vel malo regimine turbatur, periculo ordinariè caret & intra 24. horas terminatur sponte suâ, sine auxilio Medici, dum largiore sudore ut plurimum absolvitur; si vero multum adest materiæ morbificæ, ex simplici facile fit ephemera plurium dierum; sic etiam, si patiens nullo sudore molestatur, aut si quidem sudaverit, & febris tamen non ex integro desinat, (quod monstrat pulsus aliæque reliquiæ febris,) sed tempus consuetum transgreditur, tunc ephemeram simplicem in alium morbum declinare certissimum est indicium; transit autem ea, tam simplex, quam plurium dierum, vel in Synocham, vel in febrem lentam, vel hecticam, & hæc partim diætæ, partim curationis vitio adscribenda sunt. Corpus macilentum & siccum facile hecticis dein affligitur pathematibus: Signa vero instantis hecticæ sunt, si ephemera diem excedit naturalem, si febris est uniformis, si calor intensior sit post cibos assumptos, si pulsus durus, parvus & æqualis sit, vid. FORESTVS Lib. I. observ. 7. in subjectis autem valdè plethoricis ephemera eò facilius in Synocham strictè sic dictam muta-

mutatur, quemadmodum in cacochymicis Synocha putrida est metuenda, si scilicet ultra diem naturalem durat, calor augetur, urina tingitur sine coctionis signis, si malè olet, pulsusque diversitas adest, ut diastole minuatur & systole augeatur, juxta modò nominatum FORESTVM l. c.

§. V.

Restat denique, ut quoque delibemus *curationem* hujus febris, cumque febres simplices non sint vehementes, sed admodum mites & citò transeant, hinc auxilium Medici non facilè requiritur, sed plerumque tranquilla sufficit continentia; quodsi verò contingat, ut graviora simul exhibeant symptomata, magisque complicatæ appareant indolis, tunc primò præscribenda sunt temperantia, qualia sunt potissimum nitro-
sa, absorbentia, e. g. ℞. ʒi depur. Ocul. ʒss. acid. Citr. saturat. ana ʒij. ʒii diaph. ʒj. M. Dosis ʒj. ter per diem; quibus vero pulveres non arrident, iis Julapia ordinari possunt, e. g. ℞. ∇æ Scabios. Plantag. Scorzon. Borrag. Cerasor. nigr. ana ʒij. TRæ Rosar. Violar. ʒlat. ana ʒiβ. Syrup. rub. idæi. acetosit. Citri ana ʒiij. M. D. cochleatim, singulis bihoriis. Versus noctem vero, imprimis quando quædam imminentis sudoris indicia adsunt, præmissis præmittendis, ad promovendum sudorem, subjungantur portiones diapnoicæ. e. g. ℞. ∇æ C. B. Scord. Scorzon. ana ʒiij. ʒii diaph. Bezoard. minor. ana ʒβ. Syrup. C. B. Contrayerv. ana ʒβ. M. detur soepius cochleatim. In ephemerâ autem plurium dierum eadem remedia, per plures dies continuanda, eodem ordine exhibeantur: finitâ febre, ad expurgandas

primas vias, lenia laxantia profunt, uti sunt Pilulæ Stahlianæ, Becherianæ Rhabarb. Fol. Sennæ, Passulæ minores &c. quippe quibus repurgatis simul appetitus viresque restaurantur.

§. VI.

Insuper quoque tandem, pro meliori & efficaciori Curâ, sequentes tenendæ sunt *Cautelæ*: Quoniam sæpius sola quæta in lecto continentia & sufficiens potus calidus, ad diluendum sanguinem & procurandum necessarium sudorem sufficiunt, hinc utique à frequentiori ingurgitatione potus frigidi, utpote qui excretionem sudoris in hac febre summè salutaris impedit & actu prodeuntem sistit, sedulò cavendum est. Porro rejicienda sunt medicamenta sudorifera & coacta regimina; item à calidis alexipharmacis abstinendum, & potius temperatissima sunt adhibenda, summas enim anxietates, imò colliquativos sudores produciunt, viamque ad hæcticam faciliè sternunt. In subjectis insigniter plethoricis Venæ sectio interdum locum habet, interdum, præcipuè in simplici ephemerâ, supervacanea est; obstructâ autem alvo non sine fructu Clysteres in usum trahuntur; abstinendum tamen est à fortioribus commoventibus, ne febris mitior in graviolem cum damno mutetur. Fugiendus quoque est abusus acidorum & nitrosorum, ne humores incrassentur & sudor impediatur. In subjectis dispositis præservatoriè Venæ sectio egregium habet usum, semper tamen convenienti instituatur tempore. Superest denique adhuc regimen, quod in hac febre lene, quietum & temperatum sit, neque convenit desiderii muliercularum au-
res

res præbere, quæ cardiacorum remedium usum efflagitant, man soll ihnen eine Herzk-Stärkung verordnen, utpote quæ & inutilia & plane noxia interdum sunt. Absit anxia inquietudo, evitentur alimenta tam dyspepta, quam eximie nutrientia; excretiones febriles non præmaturè intercipientur, neque vehementer urgeantur & augeantur; cessante demum febre sedulo quoque illæ causæ, quæ ad productionem talium febrium contribuere possunt, evitentur.

CAPVT V.

De Morbis Literatorum ex Excretis & Retentis.

§. I.

DIxi, ut puto, satis fusè, quid pro conservatione sanitatis Literatorum, ex parte somni atque vigiliarum, observandum veniat, necesse ergo nunc erit, ut pauca de *Excretis* & *Retentis* attingam. Verum est, ex Naturæ providentiâ multiplicia in Corpore nostro constructa esse colatoria, mediantibus quibus ab inutilibus utilia, ab impuris pura disgregentur, variisque ex locis & partibus demum abigantur & excernantur; sed nemo inficias ibit, sub perversissimè administrato hoc officio, excernenda scèpius retineri & retinenda excerni, cum manifestâ subjecti jacturâ; Exempli in locum modò sit *Cacochymia*, à turbato se- & excretionum negotio potissimum dependens, ex quâ dein plerumque viscerum ob-

structiones, scirrhescentiæ, febres biliosæ, tertianæ, simplices, aut continuæ subsequuntur, ut reliqua innumera alia pessimæ indolis consuetaria taceam. Imprimis vero de necessariâ *excretionē alvinā* manifestum est, quod ab ejus retentione præternaturali, quæ Litteratis admodum solennis est, gravissima plerumque oboriantur mala, & speciatim, quod, si justò diutius excrementa ista retineantur, tandem, humidioribus magis magisque partibus ablatis, in duriores massam degenerare, atque fatalibus alvi *obstructionibus* ansam præbere soleant, quas etiam propterea præ reliquis affectibus accuratius hîc mihi tractandas sumsi.

§. II.

Ad propositum itaque ut veniam, sciendum, quod *alvi obstructio* nihil aliud sit, quam *excrementorum nimis tarda excretio, vel plenaria retentio, à segniore motu peristaltico originem trahens*. Affectus nostri differentias quod concernit, desumimus eas vel à *gradu*, unde alia *alvi suppressio* est, in quâ omninò nihil egeritur, alia in quâ paucius quam par est egeritur, & alia in quâ excretiones rarò eliminantur; vel à *parte affectâ*, quo nomine alia est quando intestina crassa, alia, quando tenuia laborant; differt etiam ratione *eventûs*, ubi alia est salutaris, alia lethalis.

§. III.

Quàm necessaria sit *signorum* perscrutatio, ac quantum momenti ad feliciter curandum ea afferat Medico, nemo practicum ignorabit; imprimis vero TRALLIANVS illud inculcat, dicens: *Melius cognoscens, melius curat*. Signa quidem obstructionis ex ægri & adstantium

tium

tium relatione quidem ubertim patent, ordinis autem gratiâ adhuc aliqua recensere placet: Excrementa ultra consuetum tempus, aut ad aliquot dies, cum dolore abdominis gravativo & compressivo, qui plerumque est vagus, ac plus vel minus lancinans, retinentur; variis incommodis à flatibus, cum abdominis extensione & duritie, patientes cruciantur, pressiones circa ventriculum cum angustia præcordiorum, insignemque corporis lassitudinem persentiscunt; in aliis appetitus est prostratus, in aliis spirandi difficultas observatur, vertigine & dolore modo obtuso, modo magis acuto caput affligitur. Subjecta quod attinet ex his facile colligi possunt.

§. IV.

Cum omnium rerum naturalium certa quædam causa præexistat, illeque Medicus non solum prudens censendus sit, sed etiam felix, qui poterit rerum cognoscere causas; quemadmodum hoc etiam confirmat summi HIPPOCRATIS effatum *Libr. de flatibus*, in-
quientis: Qui morbi causam cognoverit, is utique ex his, quæ in corpore insunt, adeptâ per contraria morborum cognitione, facile poterit, quæ conferunt, offerre. Causæ autem obstructionis observantur variæ, alia est *activa*, subintelligimus *stricturam* illam, quæ in quamplurimis morbis intestino recto à Naturâ inducitur e. g. in malo hypochondriaco, Nephritide, Calculo &c. alia est *passiva*, alvi à segnitie quâdam Naturæ & defectu motûs peristaltici dependens, unde scybala facile indurantur. Dantur etiam *causæ occasionales*, quæ ad hanc obstructionem & scybalorum indurationem contribuant,
&

& sunt sequentes: Exsiccatio & induratio v. g. ob paucitatem potûs, in febribus ardentibus post nimios sudores, post graviolem corporis motum; item vita sedentaria, quæ ut plurimum duriores reddit feces, propter deficientem in motu excretionem, cum intestina minus agitentur & commoveantur, quapropter hinc inde subsistunt, & difficulter detruduntur in intestinum rectum; quies & somnus nimius multa etiam faciunt, de quibus vid. HOECHSTETTERVS *Decad. 4. Observ. p. m. 336.* Assumpta etiam quædam duriora & austera similiter plus minus indurant, ut panis crustæ & spiræ, quæ ipsæ assumptæ nimiam copiam, propter visciditatem & tenuitatem suam, non raro solent duriores dare feces, indeque etiam alvi periculosissimam obstructionem excitare. Vid. MOEBII *Instit. pag. 453.* sic res comperta est de Mespilis, item ovis ad duritiem coctis, quæ similiter insigniter solent alvum adstringere: Exemplum habet CORNARIUS in suis *Consil. Conf. 4.* ex esu quatuor ovorum ad duritiem coctorum. Pertinent huc fructus nonnulli horræi, cum pelliculâ tenaci obducti & deglutiti, quales sunt uvæ crispæ, die Stachel-Beeren, item uvæ vitis, die Weinbeeren, si scilicet comedantur unâ cum pelliculis: nam hæ pelliculæ admodum reluctantur stomacho in digestionem, hinc crudæ & indigestæ dilabuntur ex eodem, dumque coacervantur cum reliquis contentis in intestino colo, fit ut exinde incrassentur & inviscantur contenta, ac hinc inde in globos quasi cogantur, & pertinacissima alvi obstructio ex talium pellicularum esu nimio sequatur. Sic ab esu immoderato nucum castanea-

staneorum, item Cerasorum & inprimis eorum nucleorum integrè devoratorum, constipationem alvi summam observârunt TIMÆVS von Guldenslee L. 5. Cas. 15. p. 212. HELMONTIVS Tr. *Sextupl. digestio*. KERKRINGIVS *Observ.* 6. SCHENCKIVS *Obs.* l. 3. *sub titulo de excrem.* Porro huc referenda est fecum alvinarum nimia visciditas & glutinositas, pertinacius parietibus intestinorum adhærens; unde ii, qui copiosè utuntur viscidis alimentis, sive talibus, quæ in pituitam excrementitiam, sive mucum viscosum transeunt, frequentissimè solent esse obnoxii alvi adstrictioni; aut, qui mucosido, vel acido, vel austero abundant, in specie *pituitâ*, quam vocant *vitreâ*, alvi solent esse segnioris, idque eò magis, quò parcius bibunt, aut quò parcius moventur; feces enim à mucosido & pituitâ simili involutæ & coagulatae in intestinis hærent, ut hæc non sentiant stimulum ad eorundem excretionem.

§. V.

Affectu satis cognito, *Prognosin* aggredimur, cujus intuitu obstructio alvi multa parit incommoda, imò subinde pericula: præter enim symptomata, quæ sub signis allegata sunt, sequentia adhuc pathemata conspirant: In cholericis, ob biliosæ saburræ retentionem, facile accedunt colica, ardores, phlogoses; interdum scybala indurata, quando venulas intestinorum comprimunt, & hac ratione liberum sanguinis in illis progressum sufflaminant, inflammationem circa hæc loca causantur periculosam; feces, alvo nimis obstructâ, in intestino colo coacervatae & quasi exsiccatae interdum decipiunt Medicos, ut tales ægros

habeant pro spleneticis. Tandem omnis alvi obstructio semper solet augere stomachi & capitis pathemata, & nisi in iis succedat alvus, in deterius labitur status; cum aliis autem morbis complicata obstructio alvi, hos vix non omnes exacerbat.

§. VI.

Præmissis præmittendis ad ipsum affectum nunc profligandum me accingo, ubi nihil fermè conducibilius inveniri potest, quàm potus sufficiens dilutus, benè defécatus, quâ ratione scybalorum induratio optimè impeditur, vid. BARTHOLINVS *Centur. 5. Histor. 40.* ubi refert pertinacem alvi obstructionem largo vini haustu curatam fuisse, id quod in specie tam hypochondriacis, quam minus laboriosis necessarium est. Motus quidem non violentus, qui potius obstructionem auget, sed placidus, continuus & successivus sit, hoc enim remedio tonus intestinorum naturalis restituitur. Non exiguum etiam ad alvum expediendam confert momentum, certo & determinato quotidie tempore huic excretioni indulgere & paululum ei insistere: hoc enim incommodo per aliquot septimanas superato Naturam facilius obsequi observabitur; Sic etiam panis butyro largiter illitus eximium præstat usum: item conveniunt quam optimè ova sorbilia cum butyro assumpta, eaque quò magis sorbilia, eò magis seu plus movent alvum, emolliendo æquè ac austeritatem corrigendo, de quo prostat Obs. in HOEFFERI *Hercule Medico*, quod scilicet ova sorbilia assumpta alvum fluxilem & parvam quasi diarrhœam in uno alterove subjecto produxerint. Vid. etiam BARTHOLI-

THOLINVS *Cent. 6. Hist. 65.* & BRASSAVOLA *de purg. cap. 2.* tempore autem vernali & autumnali congruæ purgationes, & affectu nimis obstinato Clysteres magis conducunt, quam interna laxantia, nisi illa sint temperatiora & leniora, ad quorum censum pertinent Pilulæ Stahl. Becherianæ, Fææ Quercet. & alia.

§. VII.

Nunc equidem ordinis ratio postularet, ut pauca quædam de altero morbo solenniori & Literatis maximè familiari, ex graviore vitio se- & excretionum potissimum oboriente, *Cacochymia* nempe, aut saltem huic affini *Cachexia* proferam & annectam; ast, cum jam jam cogniti satis sint hi ipsi affectus, simulque temporis brevitās & nimia chartæ angustia non permittant plura hunc in finem adducere, invitus sanè filum hic abrumpere simulque specialiozem, de *Morbis ex Animi affectibus* oriundis, tractationem omittere cogor, hujus tamen defectus intuitu tantò certiozem à L.B. veniam mihi polliceor, quò magis jam jam notum imò notissimum est, quod & hi ipsi affectus animi rarissimè specialiores & principales quosdam morbos in Literatis producant, sed communiter similes ac uniformes in his pariter, ac alius cujuslibet conditionis subiectis, excitent. Interim saltem hâc occasione Literatos quoslibet, qui diuturniori corporis sanitate gaudere volunt, seriò hortatos volo, ut studeant animum à violentis passionibus averruncare, flagrantioris amoris & otii excessum vitare, intra præfixos gaudii & tristitiæ limites se continere, animosam in timore & audaciâ observare moderationem, pessimum iracundiæ furorem

rorem refrænare, indecorum avaritiæ vitium evitare, invidiæ squalorem abstergere, vanam illam & nimis arrogantem ambitionem ex animo expellere, omneque tandem curarum melancholicarum genus, utpote malignæ prorsus naturæ, ex animo excutere, quoniam hæ impuros in corpore humores generant, mentem perturbant, totamque moralium functionum Oeconomiam prorsus invertunt, ita ut tandem sibi pariter ac aliis futura pericula struant infelicissima talia subjecta; cum è contra certissimè & sani & plerumque etiam longævi sint illi, qui procul à curis, usuris, negotiis atque nocivis seculi tempestatibus mentem suam abstra-
hunt sibi que solum vacant: Tales enim nec morbo ullo, quoad fieri poterit, unquam tentabuntur, nec prius facile, nisi in grandævâ senectute tandem ad suæ vitæ ultimum pertingent terminum &

F I N E M.

